



文選卷第十三

物色

梁昭明太子蕭統撰

風賦

宋玉

楚襄王遊於蘭臺之宮宋玉景差侍有風颯然而至王乃披襟而當之曰快哉此風寡人所與庶人共者邪宋玉對曰此獨大王之風耳庶人安得而共之王曰夫風者天地之氣溥暢而至不擇貴賤高下而加焉今子獨以為寡人之風

豈有說乎宋玉對曰臣聞於師枳句來巢空穴  
來風其所託者然則風氣殊焉王曰夫風始安  
生哉宋玉對曰夫風生於地起於青蘋之末侵  
淫谿谷盛怒於土囊之口緣太山之阿舞於松  
栢之下飄忽湘滂激颺燦怒眩眩雷聲迴穴錯  
迤蹙石伐木梢殺林莽至其將衰也被麗披離  
衝孔動楗眴渙粲爛離散轉移故其清涼雄風  
則飄舉升降乘凌高城入于深宮邸華葉而振  
氣徘徊於桂椒之間翱翔於激水之上將擊芙

蓉之精獵蕙草離秦蘅槩新夷被萸楊迴穴衡  
陵蕭條衆芳然後倘佯中庭北上玉堂躋于羅  
帷經于洞房迺得爲大王之風也故其風中人  
狀直惛悽怵慄清涼增欬清清泠泠愈病析醒  
發明耳目寧體便人此所謂大王之雄風也王  
曰善哉論事夫庶人之風豈可聞乎宋玉對曰  
夫庶人之風塤然起於鷦鷯巷之間堀堞揚塵勃  
鬱煩寃衝孔襲門動漦堞吹死灰駭溷濁揚腐  
餘和薄入甕牖至於虛廬故其風中人狀直傲

溷鬱邑毆溫致濕中心慘怛生病造熱中脣爲  
胗得目爲賤啗齧嗽獲死生不卒此所謂庶人  
之雌風也

秋興賦 并序

潘安仁

晉十有四年余春秋三十有二始見二毛以太  
尉掾兼虎賁中郎將寓直于散騎之省高閣連  
雲陽景罕曜珥蟬冕而襲純綺之士此焉遊處  
僕野人也偃息不過茅屋茂林之下談話不過  
農夫田父之客攝官承乏猥廁朝列夙興晏寢

匪遑底寧壁猶池魚籠鳥有江湖山藪之思於  
是染翰操紙慨然而賦于時秋也故以秋興命  
篇其辭曰四運忽其代序兮萬物紛以迴薄覽  
花蒔之時育兮察盛衰之所託感冬索而春敷  
兮嗟夏茂而秋落雖末士之榮悴兮伊人情之  
美惡善乎宋生之言曰悲哉秋之爲氣也蕭瑟  
兮草木搖落而變衰慄慄兮若在遠行登山臨  
水送將歸夫送歸懷慕徒之戀兮遠行有羈旅  
之憤臨川感流以歎逝兮登山懷遠而悼近彼

四感之疚心兮遭一塗而難忍嗟秋日之可哀  
兮諒無愁而不盡野有歸燕隰有翔隼游氛朝  
與槁葉夕殞於是乃屏輕箠釋織絺藉莞弱御  
袷衣庭樹械以灑落兮勁風戾而吹帷蟬嘒嘒  
以寒吟兮鴈飄飄而南飛天晃朗以彌高兮日  
悠陽而浸微何微陽之短晷覺涼夜之方永月  
瞳朧以含光兮露淒清以凝冷熠燿粲於階闥  
兮蟋蟀鳴乎軒屏聽離鴻之晨吟望流火之餘  
景宵耿介而不寐兮獨展轉於華省悟時歲之

道盡兮慨俛首而自省斑鬢影以承弁兮素髮  
颯以垂領仰羣僊之逸軌兮攀雲漢以遊騁登  
春臺之熙熙兮珥金貂之炯炯苟趣舍之殊途  
兮庸詎識其躁靜聞至人之休風兮齊天地於  
一指彼知安而忘危兮固出生而入死行投趾  
於容跡兮殆不踐而獲底闕側足以及泉兮雖  
猴援而不履龜祀骨於宗祧兮思反身於綠水  
且歛衽以歸來兮忽授綬以高厲耕東臯之沃  
壤兮輸黍稷之餘稅泉涌湍於石間兮菊揚芳

乎崖溼凜秋水之涓涓兮玩游儵之澌澌逍遙  
乎山川之阿放曠乎人間之世優哉游哉聊以  
卒歲

雪賦

謝惠連

歲將暮時既昏寒風積愁雲繁梁王不悅游於  
兔園乃置旨酒命賓友召鄒生延枚叟相如未  
至居客之右俄而微霰零密雪下玉乃歌此風  
於衛詩詠南山於周雅授簡於司馬大夫曰抽  
子秘思騁子妍辭侔色揣稱爲寡人賦之相如

於 是避席而起逡巡而揖曰臣聞雪宮建於東  
國雪山峙於西域岐昌發詠於來思姬滿申歌  
於黃竹曹風以麻衣比色楚謠以幽蘭儷曲盈  
尺則呈瑞於豐年稔丈則表沴於陰德雪之時  
義遠矣哉請言其始若乃玄律窮嚴氣升焦溪  
涸腸谷凝火井滅溫泉冰沸潭無涌炎風不興  
北戶瑾扉裸壤垂繒於是河海生雲朔漠飛沙  
連氛累靄掩日韜霞霰浙瀝而先集雪紛糅而  
遂多其爲狀也散漫交錯氛氳蕭索藹藹浮浮

灑灑奕奕聯翩飛灑徘徊委積始緣薨而冒棟  
終開簾而入隙初便娟於墀庶末縈盈於帷席  
旣因方而爲珪亦遇圓而成璧眇隰則萬頃同  
縞瞻山則千巖俱白於臺如重壁達似連璐  
庭列瑤階林挺瓊樹皓鶴奪鮮白鷗失素紈袖  
慙冶玉顏掩媿若乃積素未虧白日朝鮮爛兮  
若燭龍銜耀照崑山爾其流滴垂冰緣雷承隅  
粲兮若馮夷剖蚌列明珠至夫續沔繁鴛之兒  
皓汙皦潔之儀迴散縈積之勢飛聚凝曜之奇

罔展轉而無窮嗟難得而備知若乃申娛玩之  
無已夜幽靜而多懷風觸楹而轉響月承幌而  
通暉酌湘吳之醇酎御狐貉之兼衣對庭鷗之  
雙舞瞻雲鴈之孤飛拆園中之萱草擿階上之  
芳薇踐霜雪之交積憐枝葉之相違馳遙思於  
千里願接手而同歸鄒陽聞之懣然心服有懷  
妍唱敬接末曲於是乃作而賦積雪之歌歌曰  
攜佳人兮披重幄援綺衾兮坐芳綈燎薰鑪兮  
炳明燭酌桂酒兮揚清曲又續而爲白雪之歌

歌曰曲旣揚兮酒旣陳朱顏醜兮思自親願低  
惟以昵枕念解珮而褫紳怨年歲之易暮傷後  
會之無因君寧見階上之白雪豈鮮耀於陽春  
歌卒王乃尋繹吟翫撫覽扼腕顧謂枚叔起而  
爲亂亂曰白羽雖白質以輕兮白玉雖白空守  
貞兮未若茲雪因時興滅玄陰凝不昧其潔太  
陽曜不固其節節豈我名繫豈我貞憑雲升降  
從風飄零值物賦像任地班形素因遇立污隨  
染成縱心皓然何慮何營

月賦

謝希逸

陳王初喪應劉端慕多暇綠苔生閣芳塵凝榭  
悄焉疚懷不怡中夜乃清蘭路肅桂苑騰吹寒  
山弭蓋秋坂臨瀆壑而怨遙登崇岫而傷遠于  
時斜漢左界北陸南躔白露曖空素月流天沈  
吟齊章殷勤陳篇抽毫進牘以命仲宣仲宣跪  
而稱曰臣東鄙幽介長自丘樊昧道懵學孤奉  
明恩臣聞沈潛旣義高明旣經日以陽德月以  
陰靈檀扶光於東沼嗣若英於西冥引玄兔於



帝臺集素娥於后庭胸眺警闕臄鬼示冲順辰  
通燭從星澤風增華台室揚彩軒宮委照而吳  
業昌淪精而漢道融若夫氣霽地表雲歛天末  
洞庭始波木葉微脫菊散芳於山椒鴈流哀於  
江瀨升清質之悠悠降澄暉之藹藹列宿掩綬  
長河韜映柔祇雪凝圓靈水鏡連觀霜縞周除  
冰淨君王乃厭晨歡樂宵宴收妙舞弛清縣去  
燭房即月殿芳酒登鳴琴薦若乃涼夜自淒風  
篁成韻親懿莫從羈孤遞進聆臯禽之夕聞聽

朔管之秋引於是絃桐練響音容滉迭和徘徊房  
露惆悵陽阿聲休虛籟淪池滅波情紆軫其何  
託翹皓月而長歌歌曰美人邁兮音塵闕隔千  
里兮共明月臨風歎兮將烏歇川路長兮不可  
越歌響未終餘景就畢滿堂變容迥遑如失又  
稱歌曰月既沒兮露欲晞歲方晏兮無與歸佳  
期可以還微霜霑人衣陳王曰善乃命執事獻  
壽羞辭敬佩玉音復之無斲

鳥獸

鵬鳥賦 并序

賈誼

誼爲長沙王傅三年有鵬鳥飛入誼舍止於坐隅鵬似鴉不祥鳥也誼旣以謫居長沙長沙卑濕誼自傷悼以爲壽不得長乃爲賦以自廣其辭曰單閼之歲兮四月孟夏庚子日斜兮鵬集余舍止于坐隅兮貌甚閑暇異物來萃兮私怪其故發書占之兮識言其度曰野鳥入室主人將去請問于鵬余去何之吉乎告我凶言其災淹速之度兮語余其期鵬迺歎息舉首奮翼曰

不能言請對以臆曰萬物變化兮固無休息幹流而遷兮或推而還形氣轉續兮變化而澶湧穆無窮兮胡可勝言禍兮福所倚福兮禍所伏憂喜聚門兮吉凶同域彼吳疆大兮夫差以敗越棲會稽兮句踐霸世斯遊遂成兮卒被五刑傳說胥靡兮乃相武丁夫禍之與福兮何異糾纏命不可說兮孰知其極水激則旱兮矢激則遠萬物回薄兮振盪相轉雲蒸雨降兮糾錯相紛大鈞播物兮塊坱無垠天不可預慮兮道不

可預謀遲速有命兮焉識其時且夫天地爲鑪  
兮造化爲工陰陽爲炭兮萬物爲銅合散消息  
兮安有常則千變萬化兮未始有極忽然爲人  
兮何足控搏化爲異物兮又何足患小智自私  
兮賤彼貴我達人觀兮物無不可貪夫徇財  
兮烈士徇名夸者死權兮品庶每生怵迫之徒  
兮或趨西東大人不曲兮意變齊同愚士繫俗  
兮窘若囚拘至人遺物兮獨與道俱衆人惑惑  
兮好惡積億真人恬漠兮獨與道息釋智遺形

兮超然自喪寥廓忽荒兮與道翱翔乘流則逝  
兮得坻則止縱軀委命兮不私與已其生兮若  
浮其死兮若休澹乎若深淵之靜泛乎若不繫  
之舟不以生故自寶兮養空而浮德人無累兮  
知命不憂細故蕩芥兮何足以疑

鸚鵡賦 并序

禰正平

時黃祖太子射賓客大會有獻鸚鵡者舉酒於  
衡前曰禰處士今日無用娛賓竊以此鳥自遠  
而至明惠聰善羽族之可貴願先生爲之賦使

四座咸共榮觀不亦可乎衡因爲賦筆不停綴  
文不加點其辭曰惟西域之靈鳥挺自然之奇  
姿體金精之妙質含火德之明輝性辯惠而能  
言兮才聰明以識機故其嬉遊高峻栖跼幽深  
飛不妄集翔必擇林緝趾丹背綠衣翠衿采采  
麗容咬咬好音雖同族於羽毛固殊智而異心  
配鸞皇而等美焉比德於衆禽於是羨芳聲之  
遠暢偉靈表之可嘉命虞人於隴坻詔伯益於  
流沙跨崑崙而播弋冠雲霓而張羅雖網維之

備設終一目之所加且其容止閑暇守植安停  
逼之不懼撫之不驚寧順從以遠害不違忤以  
喪生故獻全者受賞而傷飢者被刑爾乃歸窮  
委命離羣喪侶閉以彫籠翦其翅羽流飄萬里  
崎嶇重阻踰岷越嶂載羅寒暑女辭家而適人  
臣出身而事主彼賢哲之逢患猶棲遑以羈旅  
矧禽鳥之微物能馴擾以安處眷西路而長懷  
嗟祿命之衰薄奚遭時之險巖豈言語以階亂

將不密以致危痛母子之永隔哀伉儷之生離  
匪餘年之足惜愍衆雛之無知背蠻夷之下國  
侍君子之光儀懼名實之不副恥才能之無奇  
羨西都之沃壤識苦樂之異宜懷代越之悠思  
故每言而稱斯若乃少昊司辰蓐收整轡嚴霜  
初降涼風蕭瑟長吟遠慕哀鳴感類音聲悽以  
激揚容貌慘以顛顛聞之者悲傷見之者隕淚  
放臣爲之屢歎棄妻爲之歔歔感平生之遊處  
兮若堯蹇之相須何今日之兩絕若胡越之異

區順櫳檻以俯仰闕戶牖以踟躕想崑山之高  
嶽思鄧林之扶疏顧六翮之殘毀雖奮迅其馬  
如心懷歸而弗果徒怨毒在一隅苟竭心於所  
事敢背惠而忘勅託輕鄙之微命委陋賤之薄  
軀期守死以報德其盡辭以效愚情隆恩於旣  
往庶彌久而不渝

鷓鴣賦 并序

張茂先

鷓鴣小鳥也生於蒿萊之間長於蕃籬之下翔  
集尋常之內而生生之理足矣色淺體陋不爲

人用形微處卑物莫之害繁滋族類乘居匹遊  
翩翩然有以自得彼鷲鷂鷓鴣孔雀翡翠或陵  
赤霄之際或託絕垠之外翰舉足以冲天翮距  
足以自衛然皆負矰纓繳羽毛入貢何者有用  
於人也夫言有淺而可以託深類有微而可以  
喻大故賦之云爾何造化之多端兮播羣形於  
萬類惟鷲鷂之微禽兮亦攝生而受氣育翩翩  
之陋體兮無玄黃以自貴毛弗施於器用兮肉  
不登乎俎味膾鷓鴣過猶俄翼兮尚可懼於罟罟

翳蓋蒙龍是焉遊集飛不飄颻翔不翕習其居  
易容其求易給巢林不過一枝每食不過數粒  
栖無所滯遊無所盤匪陋荆棘匪榮蒹藜動翼  
而逸投足而安委命順理與物無患伊茲禽之  
無知兮何處身之似智不懷寶以賈害兮不飾  
表以招累靜守約而不矜動因循以簡易任自  
然以爲資無誘慕於世僞鷓鴣介其背距鷲鷂  
軼於雲際鷓鴣竄於幽險孔翠生乎遐裔彼晨  
鳧與歸鴈又矯翼而增逝咸美羽而豐肌故無

罪而皆斃徒銜蘆以避繳終為戮於此世蒼鷹  
鷲而受縲鸚鵡惠而入籠在猛志以服養塊幽  
繫於九重變音聲以順旨思摧翮而為庸戀鍾  
岱之林野慕隴坻之高松雖蒙幸於今日未若  
疇昔之從容海鳥鷓鴣避風而至條枝巨雀踰  
嶺自致提挈萬里飄颻逼畏夫唯體大妨物而  
形瓌足瑋也陰陽陶烝萬品一區巨細舛錯種  
繁類殊鷓鴣巢於蚊睫大鵬彌乎天隅將以上  
方不足而下比有餘普天壤以遐觀吾又安知

其小大之所如

音釋

髡匹料 髡尾 髡他 髡斐

髡料

月賦

胸尾 胸他 胸斐

文選卷第十四

鳥獸

梁昭明太子

蕭統撰

赭白馬賦并序

顏延年

驥不稱力馬以龍名豈不以國上威容軍馱趨  
迅而已實有騰光吐圖疇德瑞聖之符焉是以  
語崇其靈世榮其至我高祖之造宋也五方率  
職四隩入貢秘寶盈柱玉府文駟列乎華廐乃  
有乘輿赭白特稟逸異之姿妙簡帝心用錫聖



阜服御順志馳驟合度齒歷雖衰而藝美不忒  
龍養兼年恩隱周渥歲老氣殫斃于內棧少盡  
其力有惻上仁乃詔陪侍奉述中旨末臣庸蔽  
敢同獻賦其辭曰維宋二十有二載盛烈光乎  
重葉武義粵其肅陳文教迄已優洽泰階之平  
可升興王之軌可接訪國美於舊史考方載於  
往牒昔帝軒陟位飛黃服皂后唐膺錄赤文候  
日漢道亨而天驥呈才魏德懋而澤馬效質伊  
逸倫之妙足自前代而間出並榮光於瑞典登

郊歌乎司律所以崇衛威神扶護警蹕是用精  
矐叶從靈物咸秩暨明命之初基磬九區而率  
順有肆險以稟朔或踰遠而納賚聞王會之臯  
昌知函夏之充物揔六服以收賢掩七戎而得  
駿蓋乘風之淑類實先景之洪胤故能代驂象  
輿歷配鈎陳齒筭延長聲價隆振信聖祖之蕃  
錫留皇情而驟進徒觀其附筋樹骨垂梢植髮  
雙瞳夾鏡兩權協月異體峯生殊相逸發超據  
絕夫塵轍驅駑迅於滅沒簡偉塞門獻狀絳闕

旦刷幽燕晝秣荆越教敬不易之典訓人必書  
之舉惟帝惟祖爰游爰豫飛輜軒以戒道環轂  
騎而清路勒五營使按部聲八鑾以節步具服  
金組兼飾丹曩寶鉸星纏鏤章霞布進迫遮迺  
却屬輦輅欵聳擢以鴻驚時濩略而龍翥弭雄  
姿以奉引婉柔心而待御至於露滋月肅霜戾  
秋登王于興言闡肆威稜臨廣堦坐百層料武  
藝品騰騰流藻周施和鈴重設睨影高鳴將超  
中析分馳迥場角壯永埒別輩越羣綯練負絕

捷趨夫之敏手促華鼓之繁節經玄蹄而霄散  
歷素支而冰裂膺門沫赭汗溝走血蹤迹迴唐  
畜怒未洩乾心降而微怡都人仰而明悅妍變  
之態旣畢凌遽之氣方屬跼蹐鑣轡之牽制隘通  
都之圈束眷西極而驤首望朔雲而蹀足將使  
紫鸞駢衡綠虵衛轂織驪接趾秀騏齊于覲王  
母於崑崙墟要帝臺於宣嶽跨中州之轍迹窮  
神行之軌躅然而盤于遊畋作鏡前王肆於人  
上取悔義方天子乃輟駕迴慮息徒解裝鑿武

穆憲文光振民隱脩國章戒出豕之敗御惕飛  
鳥之時衡故祇慎乎所常忽敬備乎所未防輿  
有重輪之安馬無泛駕之佚處以濯龍之奧委  
以紅粟之秩服養知仁從老得卒加弊帷收什  
質天情周皇恩畢亂曰惟德動天神物儀兮於  
時駟駿充階街兮稟靈月駟祖雲螭兮雄志倜  
儻精權竒兮旣剛且淑服鞶羈兮效足中黃徇  
驅馳兮願終惠養蔭本枝兮竟先朝露長委離  
兮

舞鶴賦

鮑明遠

散幽經以驗物偉胎化之仙禽鍾浮曠之藻質  
抱清迥之明心指蓬壺而翻翰望崑閬而揚音  
而日域以迴鰲窮天步而高尋踐神區其旣遠  
積靈祀而方多精含丹而星曜頂凝紫而烟華  
引負吭之纖婉頓脩趾之洪姱疊霜毛而弄影  
振玉羽而臨霞朝戲於芝田夕飲乎瑤池厭江  
海而遊澤掩雲羅而見羈去帝鄉之岑寂歸人  
寰之喧卑歲崢嶸而愁暮心惆悵而哀離於是

窮陰殺節急景周年涼沙振野箕風動天嚴嚴  
苦霧皎皎悲泉冰塞長河雪滿羣山既而氛昏  
夜歇景物澄廓星翻漢迴曉月將落感寒雞之  
早晨憐霜鴈之違漠臨驚風之蕭條對流光之  
照灼啖清響於丹墀舞飛容於金閣始連軒以  
鳳踏終宛轉而龍躍躑躅徘徊振迅騰催驚身  
蓬集矯翅雪飛離網別赴合緒相依將與中止  
若往而歸颯沓矜顧遷延遲暮逸翮後塵翺翥  
先路拍會規翔臨歧矩步態有遺妍貌無停趣

奔機逗節角睽分形長揚緩駑並翼連聲輕迹  
凌亂浮影交橫衆變繁姿參差洊密烟交霧凝  
若無毛質風去雨還不可談悉既散魂而盪目  
迷不知其所之忽星離而雲罷整神容而自持  
仰天居之崇絕更惆悵以驚思當是時也燕姬  
色沮巴童心恥巾拂兩停九劔雙止雖邯鄲其  
敢倫豈陽阿之能擬入衛國而乘軒出吳都而  
傾市守馴養於千齡結長悲於萬里

志上

幽通賦

班固孟堅

系高頊之玄胄兮氏中葉之炳靈  
颯颯風而蟬蛻兮雄朔野以颺聲  
皇十紀而鴻漸兮有羽儀於上京  
巨滔天而泯夏兮考違愆以行謠  
終保已而貽則兮里上仁之所廬  
懿前列之純淑兮窮與達其必濟  
咨孤蒙之眇眇兮將圯絕而罔階  
豈余身之足殉兮違世業之可懷  
靖潛處以永思兮經日月而彌遠  
匪黨人之敢捨兮庶斯言之不玷  
魂煢煢與神交兮精誠發於宵寐  
夢

登山而迴眺兮覲幽人之髣髴  
攬葛藟而授余兮眷峻谷曰勿墜  
物昕寤而仰思兮心矇矇猶未察  
黃神邈而靡質兮儀遺識以臆對  
日乘高而選神兮道遐通而不迷  
葛縣縣於繆本兮詠南風以爲綏  
蓋惴惴之臨深兮乃二雅之所祇  
旣訊爾以吉象兮又申之以炯戒  
盍于孟晉以追羣兮辰儵忽其不  
再承靈訓其虛徐兮佇盤桓而且  
俟惟天地之無窮兮鮮生民之晦  
在紛屯遭與蹇連兮何艱多而知  
寡上聖迂而後拔兮

豈羣黎之所御昔衛叔之御昆兮昆爲寇而喪  
予管寧弧欲斃雋兮雋作后而成已變化故而  
相詭兮孰云預其終始雍造怨而先賞兮丁繇  
惠而被戮粟取弔于道吉兮王膺慶於所感叛  
迴穴其若茲兮北叟頗識其倚伏單治裏而外  
凋兮張修禠而內逼聿中齟爲庶幾兮顏與冉  
又不得溺招路以從已兮謂孔氏猶未可安恬  
惛不脆兮卒墮身乎世禍遊聖門而靡救兮雖  
覆醢其何補固行行其必凶兮免盜亂爲賴道

形氣發於根柢兮柯葉彙而零茂恐魍魎之責  
景兮羌未得其云已黎淳耀于高辛兮芊疆大  
於南汜羸取威於百儀兮姜本支乎三趾旣仁  
得其信然兮仰天路而同軌東鄰雩而殲仁兮  
王合位乎三五戎女烈而喪孝兮伯徂歸於龍  
虎發還師以成命兮重醉行而自耦震鱗於干  
夏庭兮匝三正而滅姬異羽化乎宣宮兮彌五  
辟而成災道脩長而世短兮負冥默而不周胥  
仍物而鬼詭兮乃窮宙而達幽媯巢姜於孺筮

今且筭祀千契龜宣曹興敗於下夢兮魯衛名  
諡於銘謠妣聆呱而劾石兮許相理而鞠條道  
混成而自然兮術同原而分流神先心以定命  
兮命隨行以消息幹流遷其不濟兮故遭罹而  
羸縮三藥同于一體兮雖移易而不惑洞參差  
其紛錯兮斯衆兆之所惑周賈盪而貢憤兮齊  
死生與禍福抗爽言以矯情兮信畏犧而忌鵬  
所貴聖人至論兮順天性而斷誼物有欲而不  
居兮亦有惡而不避守孔約而不貳兮乃輜德

而無累三仁殊於一致兮夷惠舛而齊聲木偃  
息以蕃魏兮申重繭以存荆紀焚躬以衛上兮  
皓願志而弗傾侯草木之區別兮苟能實其必  
榮要歿世而不朽兮乃先民之所程觀天網之  
紘覆兮實集謀而相訓謨先聖之大猷兮亦隣  
德而助信虞韶美而儀鳳兮孔忘味於千載素  
文信而底麟兮漢賓祚于異代精通靈而感物  
兮神動氣而入微養流睇而猿號兮李虎發而  
石開非精誠其焉通兮苟無實其孰信操耒仗

猶必然兮矧耽躬於道真登孔昊而上下兮緯  
羣龍之所經朝真觀而夕化兮猶誼已而遺形  
若胤彭而偕老兮訴來哲而通情亂曰天造草  
昧立性命兮復心弘道惟聖賢兮渾元運物流  
不處兮保身遺名民之表兮舍生取誼亦道用  
兮憂傷天物忝莫痛兮皓爾太素曷渝色兮尚  
越其幾淪神域兮

文選卷第十四

音釋

莞家選

逵適由半

弭繁助



文選卷第十五

梁昭明太子

蕭統撰

志中

思玄賦

張平子

仰先哲之玄訓兮雖彌高而弗違匪仁里其焉  
宅兮匪義跡其焉追潛服膺以求靖兮繇日月  
而不衰伊中情之信脩兮慕古人之貞節竦余  
身而順止兮遵繩墨而不跌志搏搏以應懸兮  
誠心固其如結旌性行以製佩兮佩夜光與瓊

枝藹幽蘭之秋華兮又綴之以江離美蘘積以  
酷烈兮允塵邈而難虧旣媵麤而鮮雙兮非是  
時之攸珍奮余榮而莫見兮播余香而莫聞幽  
獨守此側陋兮敢怠遑而舍勤幸二八之選虞  
兮嘉傳說之生敷尚前良之遺風兮惆後辰而  
無及何孤行之熒熒兮予不羣而介立感鸞鷲  
之特栖兮悲淑人之希合彼無合其何傷兮患  
衆僞之冒貞且獲譴于羣第兮啓金滕而後信  
覽蒸民之多僻兮畏立辟以危身曾煩毒以迷

惑兮嗟孰可以爲言已私湛憂而深懷兮懣續  
紛而不理願竭力以守義兮雖貧窮而不改執  
雕虎而試象兮跼焦原而跟止廢斯奉信以周  
旋兮要旣死而後已俗遷渝而事化兮泯規矩  
之圓方寶簫艾於重笥兮謂蕙芷之不香斥西  
施而弗御兮繫驪褭以服箱行頗僻而獲志兮  
循法度而離殃惟天地之無窮兮何遭遇之無  
常不抑操而苟容兮譬臨河而無航欲巧笑以  
干媚兮非余心之所嘗襲溫恭之黻衣兮被禮

義之繡裳辯貞亮以爲擊兮雜伎藝以爲珩昭  
綵藻以瑀球兮璜聲遠而彌長淹棲遲以恣欲  
兮曜靈忽其西藏恃已知而華予兮鷓鴣鳴而  
不芳冀一年之三秀兮適白露之爲霜時豐豐  
而代序兮疇可與乎比伉恣姤媾之難並兮想  
依韓以流亡恐漸冉而無成兮留則蔽而不彰  
心猶豫而狐疑兮即收趾而臚情文君爲我端  
著兮利飛遜以保名歷衆山以周流兮翼迅風  
以揚聲二女感於崇嶽兮或冰折而不營天蓋

高而爲澤兮誰云路之不平勗自彊而不息兮  
蹈玉階之嶢崢懼筮氏之長短兮鑽東龜以觀  
禎遇九臯之介鳥兮怨素意之不呈遊塵外而  
瞥天兮據冥翳而哀鳴雕鷲競於貪婪兮我脩  
潔以益榮子有故於玄鳥兮歸母氏而後寧占  
旣吉而無悔兮簡元辰而俶裝旦余沐於清源  
兮晞余髮於朝陽激飛泉之瀝液兮咽石菌之  
流英翮鳥舉而魚躍兮將往走乎八荒過少皞  
之窮野兮問三丘乎句芒何道貞之淳粹兮去

穢累而影輕登蓬萊而容與兮驚雞抃而不傾  
留瀛洲而採芝兮聊且以乎長生憑歸雲而遐  
逝兮夕余宿乎扶桑飲青岑之玉醴兮餐沆瀣  
以爲糧發昔夢於木禾兮穀崑崙之高岡朝吾  
行於暘谷兮從伯禹乎稽山嘉羣臣之執玉兮  
疾防風之食言指長沙以邪徑兮存重華乎南  
鄰哀二妃之未從兮翩續處彼湘濱流目眺夫  
衡阿兮覩有黎之圯墳痛火正之無懷兮託山  
坡以孤魂愁鬱鬱以慕遠兮越卬州而遊遨躋

日中于昆吾兮憩炎火之所陶揚芒爍而絳天  
兮水泫泫而涌濤温風翕其增孰兮怒鬱悒其  
難聊顛羈旅而無友兮余安能乎留茲顧金天  
而歎息兮吾欲往乎西嬉前祝融而使舉麾兮  
纏朱鳥以承旗躔建木於廣都兮披若華而躡  
蹠超軒轅於西海兮跨汪氏之龍魚聞此國之  
千歲兮曾焉足以娛余思九土之殊風兮從蓐  
收而遂徂歛神化而蟬蛻兮朋精粹而爲徒蹶  
白門而東馳兮云台行乎中野亂弱水之潺湲

兮逗華陰之湍瀦號馮夷俾清津兮擢龍舟以  
濟予會帝軒之未歸兮悵倘佯而延佇泗河林  
之蓁蓁兮偉關雎之戒女黃靈詹而訪命兮摻  
天道其焉如曰近信而遠疑兮六籍闕而不書  
神達昧其難覆兮疇克謨而從諸牛哀病而成  
虎兮雖逢昆其必噬鼈令殪而尸亡兮取蜀禪  
而引世死生錯其不齊兮雖司命其不瞞寶號  
行於代路兮後膺祚而繁廡王肆侈於漢庭兮  
卒銜恤而絕緒尉危眉而郎潛兮逮三葉而溝

武董弱冠而司袞兮設王隧而弗處夫吉凶之  
相仍兮恒反側而靡所穆屆天以悅牛兮豎亂  
叔而幽主文斷袪而忌伯兮闍謁賊而寧后通  
人闇於好惡兮豈昏惑而能剖羸摘讖而戒胡  
兮備諸外而發內或輦賄而違車兮孕行產而  
爲對憤竈顯以言天兮占水火而妄誣梁叟患  
夫黎丘兮丁厥子而割刃親所睨而弗識兮矧  
幽冥之可信無縣孿以滓已兮思百憂以自疹  
彼天監之孔明兮用棊忱而祐仁湯蠲體以禱

祈兮蒙厖禡以拯民景三慮以營國兮熒惑次  
於他辰魏顆亮以從治兮鬼亢回以斃秦咎繇  
邁而種德兮樹德懋于英六桑末寄夫根生兮  
卉既凋而已育有無言而不酬兮又何往而不  
復盍遠迹以飛聲兮孰謂時之可蓄仰矯首以  
遙望兮魂慙惘而無儔逼區中之隘陋兮將北  
度而宣遊行積冰之皚皚兮清泉互而不流寒  
風淒其未至兮拂穿岫之騷騷玄武縮于殼中  
兮騰蛇蜿而自糾魚矜鱗而并凌兮鳥登木而

失條坐太陰之屏室兮慨含歎而增愁怨高陽  
之相寓兮仙顛頊而宅幽庸織路於四裔兮斯  
與彼其何瘳望寒門之絕垠兮縱余絲乎不周  
迅焱瀟其騰我兮鶩翩飄而不禁越谿壩之洞  
穴兮漂通川之砢砢經重陰乎寂寞兮愍墳羊  
之深潛追荒忽於地底兮軼無形而上浮出石  
密之閭野兮不識蹊之所由速燭龍令執炬兮  
過鐘山而中休瞰瑤谿之赤岸兮弔祖江之見  
劉聘王母於銀臺兮羞玉芝以療飢戴勝憇其

既歡兮又誚余之行遂戴太華之玉女兮召洛  
浦之處妃咸姣麗以蟲媚兮增嫵眼而蛾眉舒  
紗婧之纖臂兮揚雜錯之袿徽離朱脣而微笑  
兮顏的礫以遺光獻環琨與琛縞兮申厥好之  
玄黃雖色豔而賂美兮志浩蕩而不嘉雙材悲  
於不納兮並誅詩而清歌歌曰天地烟燭百卉  
含葩鳴鶴交頸鴟鳩相和處子懷春精魂回移  
如何淑明忘我實多將答賦而不暇兮爰整駕  
而亟行瞻崑崙之巍巍兮臨滎河之泮泮伏靈

龜以負坻兮巨螭龍之飛梁登閭風之層城兮  
構不死而爲牀屑瑤藥以爲糝兮斟白水以爲  
漿抨巫咸使占夢兮乃貞吉之元符滋令德於  
正中兮含嘉秀以爲敷既垂穎而顧本兮亦要  
思乎故居安和靜而隨時兮姑純懿之所廬戒  
廢僚以夙會兮僉供職而並迓豐隆軒其震霆  
兮列缺曄其照夜雲師黶以交集兮凍雨沛其  
灑途轆瑀輿而樹葩兮擾應龍以服輅百神森  
其備從兮屯騎羅而星布振余袂而就車兮脩

劍揭以低昂冠岵岵其映蓋兮佩絺纒以輝煌  
僕夫儼其正策兮八乘騰而超驥氛旄溶以天  
旋兮蜺旌飄以飛颺撫軫軹而還睨兮心勺藻  
其若湯羨上都之赫戲兮何迷故而不忘左青  
瑠之捷芝兮右素威以司鉦前長離使拂羽兮  
後委水衡乎玄冥屬箕伯以函風兮澄澗忍而  
爲清曳雲旗之離離兮鳴玉鸞之譽譽涉清宵  
而升遐兮浮蟻蠊而上征紛翼翼以徐戾兮焱  
回回其揚靈叫帝闈使闢扉兮覩天皇于瓊宮

聆廣樂之九奏兮展洩洩以彤彤考治亂於律  
均兮意建始而思終惟般逸之無斃兮懼樂往  
而哀來素女撫絃而餘音兮太容吟曰念哉既  
防溢而靖志兮迨我暇以翱翔出紫宮之肅肅  
兮集太微之閶闔命王良掌策駟兮踰高閣之  
將將建罔車之幕幕兮獵青林之芒芒彎威弧  
之拔刺兮射嶓嶭之封狼觀壁壘控北落兮伐  
河鼓之磅礴乘天潢之汎汎兮浮雲漢之湯湯  
倚招搖攝提以低回剡流兮察二紀五緯之綱



繆適皇偃蹇天矯婉連卷兮雜沓叢頽颺以方  
驤馘汨颺淚沛以罔象兮爛漫麗靡藐以迭遶  
凌驚雷之硠礚兮弄狂電之淫裔踰疇鴻控宕  
冥兮貫倒景而高厲廓盪盪其無涯兮乃今窺  
乎天外據開陽而頻眊兮臨舊鄉之諳藹悲離  
居之勞心兮情悄悄而思歸魂眷眷而屢顧兮  
馬倚輶而徘徊雖遊娛以媮樂兮豈愁慕之可  
懷出閭闔兮降天途乘焱忽兮馳虛無雲菲菲  
兮繞余輪風眇眇兮震余旗續連翩兮紛暗曖

儵眩眩兮反常閭收疇昔之逸豫兮卷淫放之  
遐心脩初服之娑娑兮長余佩之參參文章奐  
以粲爛兮美紛紜以從風御六藝之珍駕兮遊  
道德之平林結典籍而爲畧兮毆儒墨而爲禽  
玩陰陽之變化兮詠雅頌之微音嘉魯氏之歸  
耕兮慕歷阪之嶽崱恭夙夜而不貳兮固終始  
之所服夕惕若厲以省讐兮懼余身之未勅苟  
中情之端直兮莫吾知而不忍默無爲以凝志  
兮與仁義乎逍遙不出戶而知天下兮何必歷

遠以劬勞系曰天長地遠歲不留俟河之清祗  
懷憂願得遠渡以自娛上下無常窮六區超踰  
騰躍絕世俗飄飄神舉逞所欲天不可階仙夫  
稀柏舟悄悄吝不飛松喬高跼孰能離結精遠  
遊使心攜迴志竭來從玄謀獲我所求夫何思

歸田賦

張平子

遊都邑以永久無明略以佐時徒臨川以羨魚  
俟河清乎末期感蔡子之慷慨從唐生以決疑  
諒天道之微昧追漁父以同嬉超埃塵以遐逝

與世事乎長辭於是仲春令月時和氣清原隰  
鬱茂百草滋榮王睢鼓翼倉庚哀鳴交頸頡頏  
關關嚶嚶於焉逍遙聊以娛情爾乃龍吟方澤  
虎嘯山丘仰飛織繳俯釣長流觸矢而斃貪餌  
吞鉤落雲間之逸禽懸淵沈之魴鱔于時曜靈  
俄景繼以望舒極盤遊之至樂雖日夕而忘劬  
感老氏之遺誡將迴駕乎蓬廬彈五絃之妙指  
詠周孔之圖書揮翰墨以奮藻陳三皇之軌模  
苟縱心於域外安和榮辱之所如

音釋

縶圭逕悟沾監辯蒲瞥匹翺虛緣滌介胡顛骨苦恸利許

割側吏禡斯綵薛焱颯舍唼呼加軒俱抨萌

黷徒軼綺剡渠峯吟

文選卷第十五終

